

Alsfort die Entscheidunge

Om Sunndaach korz vorm Stommdisch hadde merr unne om Moo gestonne unn hawwe geschwätzt, de Schorsch unn ich. Uff oomol habb ich von weidem ooner kumme seh, den ich kenn, weils enn Flerschemer iss, awwer ich waaß nie dem soin Nome.

Schorsch, habb ich gefroocht, der doo hinne kimmt, wie heeßden der?

De Schorsch guckt hie unn sacht: Waaßde dess nit, dess iss doch de Kunibert aus de Unnermoostrooß.

Ich greif merr ons Herrn. Mensch, ja, de Kunibert. Ei soon Nome misst merr doch eichentlich behalle. Awwer ich vergess den immer.

Doo warer aach schunn doo, de Kunibert, unn frächt: No ihr zwaa, derf ich mich e bisje dezustelle?

Ei warum dann nit, moont de Schorsch, mir hawwe koo Geheimnisse. Mir haddes grad vom Wedder. Weil merr garnit waaß wassmerr ooziehe soll, moins isses frisch unn dann werreds oogenehm.

Ich saach: Ich habb heit moie uff de Thermometer unn dann om Fensder enaus geguckt unn habb mich dann ferr e Strickjack entschiede. Ich kann die noochher auszieh unn im Herrsch iwwer de Stuhl hänge.

De Schorsch druff: Ich habb aach nooch de Wolke geguckt unn habb mich deshalb ferr die ärmellos West entschiede.

De Kunibert guckt uns e bisje komisch oo. Was ihr nit alles ze entscheide habbt. Ich habb beim Opel long genuch Entscheidunge treffe misse. Ich entscheid nix mehr. Dess hadd ich merr, als ich in Rente bin, als ersdes vogenomme, nie mehr was ze entscheide. Dess strengt mich zu vill oo, dess iss nit gut ferr moi Herz.

De Schorsch hotten nit verstonne. Awwer wie wars dann heit moie, doo mussde doch entscheide wassde ooziehe sollst?

De Kunibert schittelt de Kopp: Ich entscheid nix, dess mächt moi Fraa. Die leecht merr moi Klamotte unn aach die Schuh hie unn wasse merr hieleeche dut zieh ich oo. Moi Fraa hott johrelong dehoom gesetze, jetz soll die mol entscheide.

No ja, sach ich, awwer es gibt doch aach onnern Sache ze entscheide. Saache merr jetz bei de Beijemoosterwahl, wen de wähle willst, odder gonz oofach heit middaach, obderr nooch Wicker uffs Woifest gehe odder dehoom bleiwe wollt, ess iss doch immer was ze entscheide. Oder nit?

De Kunibert schittelt als weider de Kopp. Mach ich alles nit. Macht alles moi Fraa. Alles onnern strengt mich zu vill oo.

Ich habb nit locker gelosse. Ei Kunibert, in doim Gadde mussde doch aach entscheide, lässde dess Gras wachse odder schneidsdes ab, sowas strengt doch nit oo.

De Kunibert iss e bisje laut worrn. Dess sachst du, du host joo immer nor gemacht was doin Chef gesacht hott, du konnst doo nit mettredde. Grad im Gadde will ich koo Entscheidunge mehr treffe. Deshalb werrn aach koo Kadoffele mehr gesetzt.

Ei warum dann nit? frächt de Schorsch.

Dem Kunibert wars gonz ernst. Ei guck emol beim Ausmache. Ich hadd dann immer zwaa Oomer, in den oone habb ich die kloone unn in den onnern die dicke Kadoffele schmeiße misse. Unn alsfort die Entscheidunge: Iss die Kadoffel jetz kloo oder dick? Naa, naa, ich entscheid nix mehr, dess iss nit gut ferr moi Herz.

Eiern Honnes